



Broj: 12/08-23-13880-7/20
Zenica, 13.11.2020. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-13880-6/20, od 09.11.2020. godine, u otvorenom postupku javne nabavke za radove broj: 1417-1-3-34-3-20/20 od 24.08.2020. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Rekonstrukcija II faze regionalne ceste R457 Zenica-Arnauti-Ribnica-Donji Kakanj (spoj sa regionalnom cestom R445), dionica Zenica-Babino, u dužini L=1 km” broj: 1417-1-3-34-3-20/20 od 24.08.2020. godine, ponuda ponuđača „JATA Group“ d.o.o. Srebrenik (broj: 01-123/20 od 24.09.2020. godine) sa ukupno ponuđenom cijenom od 745.476,00 KM (bez uračunatog PDV-a) izabrana je kao najpovoljnija.

II

Ponuđač „JATA Group“ d.o.o. Srebrenik (ID broj: 4209264220000), adresa Potpeć bb, 75350 Srebrenik, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda Grupe ponuđača koju čine KOMGRAD-ZE d.o.o. Zenica i ORMAN d.o.o. Kiseljak, te ponuda ponuđača POROBIĆ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuju jer nisu potpune i ne ispunjavaju zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-13880/20 od 24.08.2020. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-34-3-20/20 objavljeno je na Portalu javnih nabavki 24.08.2020. godine.

Komisija za javne nabavke imenovana rješenjem broj: 12/08-23-13880-4/20 od 23.09.2020. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 5 (pet) ponuda.

U periodu od 24.09.2020. godine do 03.11.2020. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda grupe ponuđača KOMGRAD-ZE d.o.o. Zenica i ORMAN d.o.o. Kiseljak odbacuje se jer garancija za ozbiljnost ponude nije dostavljena u skladu sa tačkom 29.1. tenderske dokumentacije. U ponudi grupe ponuđača, KOMGRAD-ZE d.o.o. Zenica i ORMAN d.o.o. Kiseljak, dostavljena je garancija za ozbiljnost ponude broj: 27813 od 21.09.2020. godine izdata od SPARKASSE Bank d.d. Bosna i Hercegovina na iznos od 12.820,51 KM, koja stupa na dan **24.09.2019. godine i važi do 24.01.2020. godine**, dok je tačkom 29.1. tenderske dokumentacije traženo da garancija za ozbiljnost ponude stupa na snagu na dan otvaranja ponuda, tj. na dan **24.09.2020. godine u 12:00 sati i važi 120 dana**, odnosno do 22.01.2021. godine.

Takođe, Komisija je od ponuđača tražila da izvrše kontrolu finasijskog dijela ponude i da dostave pismenu saglasnost na faks broj: **032/460-702**, ili na e-mail: **min.prostorno@zdk.ba**, najkasnije do **01.10.2020. godine (četvrtak) do 10:00 sati**. Ponuđač je 01.10.2020. godine u **10:35 sati** dostavio traženu saglasnost na e-mail: min.prostorno@zdk.ba. (Ista je sastavni dio ovog Zapisnika). Imajući u vidu da ponuđača nije u ostavljenom roku dostavio posmenu saglasnost, kao i odredbe člana 68. stav (4) tačka g) Zakona o javnim nabavkama BiH („Službeni glasnik BiH“ broj: 39/14), ugovorni organ je dužan da odbaci ponudu grupe ponuđača KOMGRAD-ZE d.o.o. Zenica i ORMAN d.o.o. Kiseljak.

Zbog navedenog ponuda grupe ponuđača KOMGRAD-ZE d.o.o. Zenica i ORMAN d.o.o. Kiseljak se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača POROBIĆ d.o.o. Zavidovići odbacuje se jer ponuda nije dostavljena u skladu sa tačkom 12.6.1. tačka a) tenderske dokumentacije. Naime, navedenom tačkom propisano je da ponuđači trebaju ispuniti sljedeće minimalne uslove:

a) uspješno iskustvo u realizaciji 1 (jednog) ugovora na izgradnji, rekonstrukciji ili sanaciji javnih cesta, minimalne vrijednosti 800.000,00 KM, u posljednjih 5 (pet) godina (2015., 2016., 2017., 2018. i 2019.) ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 5 (pet) godina, u svojstvu nosioca ugovora ili lidera grupe ponuđača.

Ponuđač POROBIĆ d.o.o. Zavidovići ovaj uslov nije dokazala obzirom da u dostavljenom spisku izvršenih ugovora i potvrdama naručioca nije naveden niti jedan ugovor **u svojstvu nosioca ugovora ili lidera grupe ponuđača**, koji se odnosi na radove izgradnje, rekonstrukcije ili sanacije javnih cesta minimalne vrijednosti 800.000,00 KM. Ponuđač POROBIĆ d.o.o. Zavidovići je u ponudi dostavio Uvjerenje općine Maglaj broj: 05-19-13-706/20 od 13.05.2020. godine za ugovore vrijednosti od 323.580,38 KM i 33.548,58 KM kao i Potvrdu o uspješnom izvršenju ugovora broj: AI-300/10 od 11.05.2018. godine izdatu od društva TRGOŠPED d.o.o. Kakanj u kojoj je navedeno da je ponuđač POROBIĆ d.o.o. Zavidovići u svojstvu **kooperanta** a ne **nosioca ugovora ili lidera grupe ponuđača** učestvovao u realizaciji kooperantskog ugovora u vrijednosti od 1.618.030,71 KM.

Zbog navedenog ponuda ponuđača POROBIĆ d.o.o. Zavidovići se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponude ponuđača „TRGOŠPED“ d.o.o. Kakanj, „ALMY-TRANSPORT“ d.o.o. Zenica i „JATA GROUP“ d.o.o. Srebrenik, ispunjavaju postavljene uslove, te je za 06.11.2020. godine zakazano provođenje e-aukcije, sa početkom u 13:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponudač	Ukupna cijena ponude bez PDV-a
1.	JATA GROUP d.o.o. Srebrenik	745.476,00
2.	ALMY-TRANSPORT d.o.o. Zenica	746.434,00
3.	TRGOŠPED d.o.o. Kakanj	957.193,76

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „JATA GROUP“ d.o.o. Srebrenik. Ugovorni organ prihvatio je preporuku Komisije za javne nabavke da se najpovoljnijem ponuđaču, „JATA GROUP“ d.o.o. Srebrenik, dodijeli Ugovor za radove Rekonstrukcije II faze regionalne ceste R457 Zenica-Arnauti-Ribnica-Donji Kakanj (spoj sa regionalnom cestom R445), dionica Zenica-Babino, u dužini L=1 km. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda sa priložima

Dostavljeno:

5 x svim ponuđačima,

1 x a/a




Saglasan: ARNEL ISAK, ministar

Obradio:
Elmedin Bašić